

【二十一喻】

（科註第1075頁倒數第5行第549集開始2012年10月6日）

《佛說法句經·二十一種譬喻善知識品第六》：

善男子，善知識者是汝父母，養育汝等菩提身故；

善知識者是汝眼因（疑作「目」），示導汝等菩提路故；

善知識者是汝脚足，荷負汝等離生死故；

善知識者是汝梯橙，扶侍汝等至彼岸故；

善知識者是汝飲食，能使汝等增長法身故；

善知識者是汝寶依（疑作「衣」），覆蓋汝等功得身故；

善知識者是汝橋梁，運載汝等度有海（指三界之生死。海者，

譬生死之無邊。）故；

善知識者是汝財寶，救攝汝等雖（疑作「離」）貧苦故；

善知識者是汝日月，照耀汝等離黑闇故；

善知識者是汝身命，護惜汝等無有時故；

善知識者是汝鎧仗（仗：兵器也），降伏諸魔得無畏故；

善知識者是汝絙繩（粗繩索。絙，音耕。），橈〔音豪〕機（《藥

師經疏》作「挽拔」。）汝等離地獄故；

善知識者是汝妙藥，療治汝等煩惱病故；

善知識者是汝利刀，割斷汝等諸愛網故；

善知識者是汝時雨，潤清汝等菩提身故（《藥師經疏》作「潤漬

汝等菩提牙故」。「漬」。音自，濕潤也。「牙」通「芽」，萌芽也。）；
善知識者是汝明燈，能破汝等五蓋闇故；
善知識者是汝善標，教示汝等趣正道故；
善知識者是汝薪火，成熟汝等涅槃食故；
善知識者是汝弓箭，射殺汝等煩惱賊故；
善知識者是汝勇得（疑作「將」），能破汝等生死軍故；
善知識者是汝如來，破汝煩惱至涅槃故。
善男子，善知識者有如是無量功德，是故我今教汝親近。